

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第一〇一號

據

清·札隆阿等修程卓樸等纂
清·道光五年刊本


影印

江 西 省

宜 黃 縣 志

(一)

成文出版社有限公司印行



R10
218.0
101.00

中國方志叢書·華中地方·第一〇一號

據

清·札隆阿等修程卓樑等纂
清·道光五年刊本

影印


江 西 省

宜 黃 縣 志

(二)

56-104/110

成文出版社有限公司印行



中華民國五十九年三月壹一版

宜黃縣志

全二冊

發行人：**黃成助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

道光五年增修

宜黃縣志

報功祠藏板

260/10

重修宜黃縣志序

志於邑事無不當載一隅之故
實寰輿之廣大徵焉必也矢慎
矢公勿遺勿濫記注明而折衷
至當攬古者可以觀感為治者
有所取裁斯志之善者焉我

宜黃縣志

序

國家繼、繩、重熙累洽踐土
食毛之衆莫不涵泳
恩膏寸地尺天爭圖
王會况宜邑人文淵藪世號名
區財賦人民之所聚殖英資流
風之所漸被廣輪僅百餘里而

扶輿清淑之氣磅礴而鬱積抑
六江右山水靈秀所都會也邑
舊有志始於前明宏治迄

國朝康熙五年已四修矣顧其
書既簡且訛不足以備典故迄
今百五十餘年之久曾無有踵

宜黃縣志

序

而嗣修者生齒蕃殖日盛於一
日幽光潛德年遠於一年淆雜
莫考漸遠漸微不有作者其何
以信今而傳後道光三年秋大
中丞程月川先生以江右通志
歷年久遠建議修輯乃檄郡邑

咸輯志書以備通志採擇前令
札君爰諏諸紳耆設局纂修鄉
先生程任齋廉訪黃定軒農部
實主其事至網羅舊聞參互考
校則同事諸君子群力畢效以
相與有成閱二載余捧檄來宰

是邦而書始告蒞頷余三復全
書而不禁慨然也夫志者史之
一體而其事視修史為尤難脩
史者編年紀事不嫌以潤色為
工而志則以其邑之人紀其邑
之事見聞不出鄉閭之近故貴

詳而不貴略也採訪不踰桑梓
之間故宜核而不宜泛也斯志
也矢慎矢公幽微必錄勿遺勿
濫文獻堪徵是不獨此邦人士
宜以前言徃行為法而因天時
乘地利順人情合土俗吏茲邑

者亦於是乎取資焉其有裨於
予之輟材承乏者豈淺鮮哉雖
然志成而定軒斲矣每覽遺文
未嘗不深老成典型之慕云是
為序
賜進士出身

教授文林郎宜黃縣知縣關中
史念徵謹序



宜黃縣志序

作史莫難於志難其詳難其核也縣志者通志之權輿也徵一邑之文獻備通志之採羅其紀載尤宜詳且志之體裁與史異史有勸有懲志則有勸而無懲名勝必紀懿美必揚幽潛必彰而事有可疑者不錄鄉閭耳目最近信今傳後且使臧者知興不臧者知愧是即以勸為懲也一有不慎則群起而議之而不可不核與宜邑志乘始於前明

宏治迄

國初康熙五年已四修矣今道光
二年秋 邑侯札公奉檄飭修
僉舉邑紳設局余與黃定軒農
部汝君檢閱舊志既簡且祀又隔
百五十餘年之久別無記錄可稽

宜黃縣志

序

烏從而詳之亦烏從而核之夫稽
數百年莫稽之遺又書難信
而舉數百年必舉之曠典事在
易疑定軒既力任其事余以養拙
與參其大凡纂集之能為役也
君子博羅羣書搜討名集凡有國

於邑之人物典故者悉精審採之

勿遺勿濫各鄉紳耆就近採訪
實蹟彈洽見聞公酌體例審慎登
載庶足以補前志之闕文而增就
編之實紀矣或曰是書之成其詳
之宜矣其核者豈能盡愜人意乎

宜黃縣志

序

曰有體例在不容越也有公是在
不容私也各彈力以詳之持公論
以核之幸有完書將使後之視今
不猶今之視昔而已是役也定軒
農部三閱寒暑心目俱瘁汝君
分纂採輯提調核對均任其勞

故書其事以誌其難也 是為叙

道光四年甲申冬月

賜同進士出身通議大夫

恩賞花翎原任廣西按察使署廣西布政使護理廣西學政邑人

程卓樑謹識

宜黃縣志

序

四



宜黃縣志總目

序二

舊序四

圖

凡例

修志姓氏

星野志

沿革志

形勢志

宜黃縣志

總目

城池志

山川志

水利志

學校志

署志

書院志

田賦志

風俗志

土產志

兵衛志

武事志

關津志

驛鹽志

古蹟志

封爵志

秩官志

選舉志

各宦志

宜黃縣志

人物志

寓賢志

列女志

仙釋志

方技志

祥異志

祠廟志

壙墓志

寺觀志

櫛目

二

藝文志

雜記志

後序二

宜黃縣志

總目

三

縣志舊序

鮑鳳桐城人

鳳承乏宜黃三年於茲簿書雜遫日不暇給思欲拯頽風而升大猷未知其方也一日郡伯大梁李公以公移徵邑志乃招諸生而訪之則曰茲邑入國朝未有志蓋茫然無以為應既數日至郡公復申志事且詔曰此百五十年之墜典汝其舉之鳳曰諾退而自訟曰先王列爵分職立外史以掌四方之志而九邱之書以類上下之事所以使臣盡職而獻忠者也邑無專志其何以資代理昔季札過魯以得考歷代之禮樂為喜孔子言

黃縣志

舊序

夏殷之禮亦以文獻不足徵為恨有民人焉有社稷焉修舉之責不在我乎徐而思之時世遠則事弗信事弗信則謗易興槐市陰成將有摘而議之者吾懼文勝之加我也復自解曰七病而三艾羨魚而結網猶為可及失今不錄後將曷傳則又以語諸生諸生曰善哉郡伯公之意也亦我侯之意也請成之于是館諸生廖澄譚鏞輩於長春觀委以討論鳳則日往以相與上下其議論本之府志而覈其實焉參之碑刻而訂其真焉詢之秀士而考其當焉采之父老而稽其信焉求之殘編斷

簡之中質之宗工鉅儒之集及國朝典章制度凡繫於大體者咸謹書之顧其聞見淺狹筆力猥庸其有無不足以關一邑之輕重是則不無愧焉耳雖然法天道則沿革分野之類具矣因地理則疆域山川之類著矣重民事則風俗戶口之類昭矣其為事目凡二十有四要皆有資於化理者也稿成將梓之乃書其始末以報郡伯公之命亦因以自勵云嘉靖元年壬午八月鮑鳳記

宜黃縣志

舊序

二

縣志舊序

王尙廉 徽陵人

夫子稱文武之政布在方策方策列國皆有之周官小史外史所掌邦國四方之志是也志史也自侯統散而郡邑與今之邑即古子男之國今邑之志即古小國之史故各邑皆有志其來舊矣予承乏宜黃三年省身約已不遑暇逸庶幾農安於野士安於學賦歛時入稍從父老子弟講前人闢典改作

先師城隍兩廟暨諸城垣關隘築永豐一陂造舟爲梁

濬川爲池爲是經始數役披閱圖志慨六十年來文獻

宜黃縣志

舊序

三

莫徵失今不修後將若何於是以前禮延邑博陳先生民望楊先生一鑑羅先生岱鄉大夫劉鴻臚森譚郡守綵劉二守應明鄧大尹佑諸生鄒一璿鄒學貢徐沂李賓黃欽相與共事而於黃生濯纓屬筆焉自春徂秋凡八越月而編摩始就經之以三綱緯之以三十八目合之爲十二卷讀天文四志則庖犧箕疇之遺意而天戒可謹已讀地理十志則禹貢職方之規模而經理之方施爲之序可概已讀人道二十四志則小史外史所紀載之緒餘而前哲典章聲名文物可睹已至若事關教化

悉取一邑大義行之而一毫已私弗與焉蓋史貴賤貴質而病於無文斯志出而後彬彬質有其文矣惜乎史氏之體裁而僅施於一邑也毘陵唐應德謂貨殖傳乃酒肆簿帳纔經太史公手筆便是絕大文字後六十年復有續史公之緒者乎萬鑑之寶願付玉人斯無負良工之苦心也已萬曆辛卯季秋王尙廉識

宜黃縣志

舊序

四

宜黃縣志序

臨川李來泰

志者國史之權輿邑志則郡志之權輿也周禮職方氏掌天下之圖而又有小史掌邦國之志有外史掌四方之志一州二十五子百男之治闕一焉不可以國夫志亦猶是已矣州有言史之失在略志之得在詳至以邑之詳補郡之略是亦各有取義也宜黃舊有鮑王二志文獻稍備中復缺軼者垂百年矣頃大府劉公有郡志之役旁徵各邑於是雲翁尤侯首奉成書以告夫宜之受地肇自南唐歷數百年而風教益盛蔚然衡於上國

宜黃縣志

舊序

五

山川炳靈在郡皆得而書之遠而樂子正之譏述近若譚襄敏之勲名揆之史冊未易倭指名賢接武茲茲不絕志中名實謹嚴一準郡乘無汎舉者足稱信史已乃所獨詳者惟田賦一事余反覆其義而歎尤侯愛民之周諸君子為桑土計至深且切也宜自分地至今地不改闢也其賦積五倍而贏譚董二公述之備矣明嘉靖中以南新科重均派各邑近瑞州諸縣特奉命綸減免宜邑未敢援例請者則以輕齋久有成命耳鄰民覲輕齋之名而不察重科之實文移往復再四未已志為

表為紀為續志懲前毖後益有不得不詳者唐魏之憂思曹鄒之勞苦皆有之非特志成事而已夫志之難也民間有疾苦而上則忽之長吏有科條而下則疑之如是者皆不可以志諸君子又為余言往者條編未行宜之私賦倍於公自侯至而遵奉成書歲省金錢無算休養生息吾宜其有豸乎志成且大書之為百世利可也若是皆郡志所不及詳特為表而出之抑余所重歎者樂氏文成數萬幾奪元龜廣記之長而簡編散軼宋史藝文僅存其目司馬經略南北功不在威寧新建下格

宜黃縣志

舊序

六

於承平僅與中謚行間之秘策內府之勲書無得而竊書者紀載之大志與史固當互有詳略也異日者博徵郡縣以備東觀之筆削鄧侯之圖籍子雲之方言並為職志則此書其未可廢也

康熙甲辰仲冬郡人李來泰書

重修宜黃縣志序

尤穉章

予承乏宜黃三年矣簿書之暇時與諸紳士談文稽古
一日披縣志前有鮑公鳳所修繼有邑人黃濯纓所纂
自萬曆辛卯至今鼎定以來凡七十三年中間湮沒不
彰者何可勝道續而補之殆予之責也今年仲夏府主
劉以纂修郡志為言欲搜羅邑乘以成一郡之全書甚
盛心也予惟今日之志即他日之史也志博採以備稽
史執要而章信故紀賢才錄詞翰備縣治學宮之沿革
著官師舉貢之年表田賦戶役之必詳歲時災異之必

宜黃縣志

舊序

七

謹旁及山川趨咏附見仙釋雜述以數卷之書盡一邑
之事微言大義入目瞭然豈徒補綴之工云爾哉昔班
固受囑於得金陳壽蒙惡於借米苟非其人具三長而
去五難烏足與簪筆而從事耶爰與紳士僉議推之得
七人焉歐陽子斗始也允熙也黃子士光也鄧子官賢
也羅子士宏也涂子國盟也柏也予寬為之期而諸君
乃日急其事溽暑篝燈午夜熒熒閱兩月遂告成焉矢
公矢慎亦至約至該先是府主具條教來謂徵事宜博
敷文貴簡又以天啓後所纂諸志失之冗雜一以宏治

嘉靖年間之志為式於是恪遵成議復借劉子進參酌

其間前者可刪則刪之後者可補則補之分類臚列義
例井如書成予不揣一言為引曰撫之六邑宜黃非歎
臨金邑乘之光固盡章章矣有如樂氏一家之著述司
馬譚公之勲名杜子野之清節吳孟政之文翰前賢蔚
起接武良多名宦則鄧公昌朝之創學楊侯淮之建城
皆足垂譽於無窮矣若乃風俗則士習農耕安於故常
形勝則鳳岡獅石堪入圖畫自宋開寶建縣迨我

皇清今日七百餘年之間若聚同堂而接同日若躬歷

宜黃縣志

舊序

八

其地目涉其事無不首肯而心俞也昔之稱作史者實
錄之後爰有會要故縣志惟在於據實實則詞簡而事
亦不遺茲志無異於信史庶幾堪垂不朽云

康熙三年甲辰之秋知宜黃縣事晉水尤穉章題

繪圖

宜黃縣志

圖

疆域全圖




宜黃縣志

圖


縣城圖






宜黃縣志

縣署圖



宜黃縣志


圖



docsriver 文川网
入驻商家 古籍书城


在文川网搜索古籍书城 获取更多电子书

聖學考署合圖




圖

五



鳳岡書院



圖

六



凡例

一縣志始於晝而鮑王尤繼之晝鮑志無可考王志據博洽然治絲而勞其失也雜尤志有意釐汰轉覺疎陋以成書太速也自康熙三年至今又一百五十餘年時代既遠傳聞異辭茲據謝通志羅府志王尤二縣志及各鄉各姓送來底冊訂舊增新闕其疑而存其信 史法也

一王志分天地人三門頗似類書尤志隨事標題亦無頭緒今依通志刊發格式分三十二門以備採擇

宜黃縣志

凡例

一星野之說歷代天文諸書茫無定論舊志寥寥數行未免過畧今更綜輯舊聞成一門類

一沿革必詳核廢置年月分注總注令人易閱舊志仿年表體附載秩官轆轤不清且多錯誤今更正

一舊志無形勢各景附山川末今分叙城內外及三鄉四十五都名勝之區提綱挈領以見大槩而總彙各景於後

一城池志內附舊志邑里又增入若干

一王志仿禹貢導山逐條串叙尤志仿爾雅釋山開列

詳註較為明晰并可資通志採擇今從尤志然二志皆謂縣志脈來自華蓋山則耳食之誤也宜黃水合繞城東源遠流長故以名縣曹水小而近二志叙曹水直入臨川界似以曹水為經流失輕重之分今並更正并增入梨水藍水漳水

一學校培育人材當極明備舊志所載殊畧今詳悉增入以昭體制

一舊志古蹟雜列各類內今摘出

一秩官必載實任署理康熙雍正及乾隆初年文案廢

宜黃縣志

凡例

一人物舊志俱分類此次省局格式分各臣宦業理學儒林文苑處士忠義孝友八類但查通志原式只分府州不第品行今依時代先後排纂以備採擇而所傳之人悉遵格式八類不敢濫入

一選舉封贈悉遵舊志如舊志未詳及失載者必須確有實據或見各賢集中或見歷朝題名碑錄若僅據私語各姓繁多概難登載

一列女節孝貞烈舊志建坊始載今遵新頒格式凡苦
守合例取具族隣切結雖未請旌存歿採入亦闡
幽發潛意也

一舊志藝文甚簡今廣搜各家文集凡與本邑人物興
造風俗有關繫而文理可觀者俱採入古近體詩舊
俱附載各類內分行細書俱摘出另為一冊至王志
有羣賢著述係本邑人集目亦附列藝文後

宜黃縣志

凡例

三

增修縣志姓氏

主修

教授文林郎宜黃縣知縣 札隆阿 履謙

教授文林郎鄉進士宜黃縣知縣 尹世阿 湯臣

賜進士出身 教授文林郎宜黃縣知縣 史念徵 寬庵

鑒訂

教授修職郎選拔進士宜黃縣教諭 張飛熊 海山

教授文林郎鄉進士宜黃縣訓導 王逢瑞 梧岡

總纂

纂修姓氏

宜黃縣志

賜進士出身 歷任翰林院庶吉士 授廣西按察使 程卓樑 任齋

賜進士出身 戶部雲南清吏司主事 翰林院庶吉士 黃錫煖 定軒

賜進士及第 翰林院侍讀學士 提督湖南學政 謝階樹 向亭

賜進士出身 湖北應山縣知縣 乙酉科湖北同考官 黃勉策 三軒

協纂

奉新縣訓導 黃勉筠 萊洲

生員 吳烈 藕汀

覺羅教習 張宣 靜庵

即補教諭 歐陽思善 嶽六

分發 四川知縣 吳輝 竹溪舉人

即用 教諭 黃爵樞 壽泉拔貢

候選 訓導 程文綸 徽生廩貢

郵寄奉 羅以豐 研備

賜進士出身山東冠縣知縣 州衙前翰林院庶吉士

賜進士出身直隸臨城縣知縣 席元榜 臣鶴

賜進士出身原任廣東增城縣知縣 熊學淵 靜湖

賜進士出身翰林院編修 黃爵滋 樹齋

提調 纂修姓氏

宜黃縣志

候補布政使 理問 吳貫之 省垣

採纂 鄒夢蓮 舉人興安教諭

鄒虹 舉人雲都訓導

應會 舉人 羅金來 舉人即補教諭

黃爵綬 舉人 吳馨 恩貢

洪光緒 歲貢 余錫璋 舉人分發山東知縣

應先杰 縣丞歷署知縣 鄒亦元 生員

鄒洙 增生 吳廷蕪 附貢

應奎 廩生 羅迪 生員

吳樹芳 增生 陳偕栢 生員

余學閩 生員 歐陽照 生員

分纂 黃秩淇 竹鄉優貢 許道藩 價人舉人

李廷聘 南漢舉人 吳燕 巢雲優貢

鄧暄 蘇門舉人 陳階燦 少香舉人

熊兆麟 墨樵舉人 謝玉樹 蘊益生員

勸捐 熊厚焯 歲貢 黃金鼎 增生

黃廷標 增生 胥肇元 生員

黃迪簡 生員 鄒學洙 附貢候補刑部司獄

歐陽樹藩 拔貢 鄒乘濤 增生

熊之馨 增生 吳紹徽 生員

黃爵顯 生員 歐陽朝棟 生員

鄒瑞呈 生員 吳山雲 監生

吳斯樸 監生 鄧熙燮 監生

吳煜 監生 吳允漢 生員

張筠 生員 黃廷韶 監生

宜黃縣志

纂修姓氏

三

宜黃縣志卷一

星野志

古稱善言人者必有驗於天虞書辨星鳥星虛之候
呂覽紀昏參旦尾之躔測天時所以令民事也若夫
分野之說則以封國之分星占其國之休咎如左氏
傳所載商王大火而釁由於火蛇乘龍而宋鄭饑之
類皆以分星之變動推而知之其應恆不爽也歷代
史志咸首重焉今頗採摭用備參稽

斗江湖牽牛婺女揚州史記天官書漢書天文志同

宜黃縣志

卷一

星野

吳地斗分野也今之會稽九江丹陽豫章廬江廣陵六
安臨淮郡盡吳分也粵地牽牛婺女之分野也今之蒼
梧鬱林合浦交趾九真南海日南皆粵分也漢書地理志
自斗十一度至婺女七度一名須女曰星紀之次於辰
在丑謂之赤奮若於律為黃鍾斗建在子今吳越分野
後漢書郡國志注

自南斗十二度至須女七度為星紀於辰在丑吳越之
分野屬揚州晉書天文志

斗牽牛須女吳越揚州九江入斗一度廬江入斗六度

豫章入斗十度丹陽入斗十六度上同

揚州於禹貢為淮海之地在天官自斗十二度至須女

七度為星紀於辰在丑吳越得其分野隋書地理志

斗牽牛星紀也初南斗九度餘千四十二秒十二太中

南斗二十四度終女四度自廬江九江負淮水南盡臨

淮廣陵至於東海又逾南河得漢丹陽會稽豫章西濱

彭蠡南涉越門迄蒼梧南海逾嶺表自韶廣以西珠崖

以東為星紀之分也古吳越羣舒廬桐六蓼及東南百

越之國南斗在雲漢下流當淮海間為吳分牽牛去南

宜黃縣志

卷一

星野

河寢遠自豫章迄會稽南逾嶺微為越分新唐書天文志

北方南斗六星石申曰魁第一至吳二會稽三丹陽四

豫章五廬江六九江宋史天文志

江南東西路蓋禹貢揚州之域當牽牛須女之分宋史地理志

晉天文志分野始角亢者以東方蒼龍為首也唐始女

虛危者以十二支子為首也今始斗牛者以星紀為首

也古言天者皆由斗牛以紀星故曰星紀是之取耳斗

三度至女一度星紀之次也江西布政司所屬皆斗分

明史天文志

星分度斗二十六牽牛八須女十二翼十八軫十七星部地名斗牽牛越須女吳翼軫楚

淮南天文訓

臨汝南州星紀北宿邈不相及而其星野相應古今不爽者豈天體圓蓋列宿麗之其精光固相射耶昔張華見斗牛間有紫氣知有寶劍在豐城夫豐城與斗牛不正相值而劍光騰射乃在其墟則星野之應莫辨於此矣

撫州劉志

考星紀度數漢志引黃帝分星次起斗十一度至女七

宜黃縣志

卷一

星野

三

度蔡邕起斗六度至女二度皆得二十九度費直起斗十度至女五度唐書起斗九度至女四度晉志起斗十二度至女七度皆得二十八度皇甫謐起斗一度至女七度得三十九度是星紀不得與諸辰均矣晉志以豫章入斗十度廬江斗六度九江斗一度而星紀之次乃起斗十二度則星紀析木各得斗度之半豫章與九江廬江皆不得居星紀當入析木之津矣惟元郭守敬起斗三度七十七分八十五秒終女二度六分三十八秒則斗牛正在星紀之次吳越亦當斗牛之分而各辰度

數皆均庶幾近之諸家星紀之度皆不足三十其分野

數千里約二百里不能當一度九江豫章相距二百里而遙而遂差九度則盡星紀之野雖百度不給也且界以彭蠡則九江濱湖北豫章濱湖南經以江漢則九江在江南廬江在江北九江一度豫章十度乃自北而入南廬江六度又自南而入北則星宿亂矣安所取衷哉鄭注謂堪輿雖有郡國所入度非古數者其是之謂乎南斗二十五度其星六其四主豫章一星得四度有奇以乘豫章千里之疆約二百餘里而差一度臨汝南豫

宜黃縣志

卷一

星野

四

章三百里豫章入斗十度則撫亦將入十一度矣而舊猶泥十度之說毋亦膠柱刻舟者耶

同上

案宜黃距府治僅百里界臨川裁五十里當同在十

一度之中更不煩布策而推算矣

又案後漢書天文志注引星經云熒惑主霍山揚州

荊州交州又云璿璣者謂北極星也玉衡者謂斗九

星也玉衡第六星主揚州常以五巳日候之乙巳為

豫章辛巳為丹陽巳巳為廬江丁巳為吳郡會稽癸

巳為九江凡六郡璿璣玉衡占色春青黃夏赤黃秋

白黃冬黑黃此是常明不如此者所向國有兵殃起
据此五緯及北斗星宿有所主郡國其休咎皆可得
而測也然則二十八舍分野所屬亦猶是矣

宜黃縣志

卷一

星野

五

宜黃縣志卷二

沿革志

粵稽鄔劉之地周取諸鄭鄆謹之田魯入于齊雖壤
界有定而疆場之邑一彼一此或非分土之舊秦漢
而後郡縣更改代有不同此太康地記元和郡縣志
諸書所由作也宜邑始立于吳定建于宋大約分漢
南城臨汝二縣之地今一本史志為據史所不具參
以他書分併之故可考見云

縣為禹貢揚州之域春秋屬吳戰國屬楚秦并天下屬

宜黃縣志

卷二

沿革

九江郡漢分九江置豫章郡

或云分淮南國置豫章郡傳九江廬江衡山豫章皆

屬淮南分屬揚州領縣十八南昌廬陵彭澤鄱陽歷陵郡當在前

餘汗柴桑艾穎新淦南城建城宜春海昏雩都鄒陽南

塗安平縣地屬南城後漢和帝永元八年析南城之北

境置臨汝縣縣地半屬臨汝吳主亮太平二年分豫章

之東部置臨川郡治臨汝立宜黃縣於宜黃水側以水

為縣名宜黃建縣自此始又分臨汝為新建分南城為

南豐又析置安浦西平西城東興永城凡十縣屬臨川

郡晉改西平曰西豐改西城曰西寧惠帝元康元年以

荆揚疆土廣遠割揚州七郡荆州三都分置江州臨川郡隸焉縣屬臨川郡如故宋臨川內史屬江州刺史領縣九臨汝西豐新建宜黃東興並爲侯國永城南城安浦爲男國皆置相南豐置令蓋相與令長其秩同也齊徙臨川郡治南城梁復治臨汝領臨汝南城宜黃安浦西豐南豐永城又析臨汝置定川凡八縣分新建西寧置巴山縣大同二年置巴山郡領大豐新安巴山新建興平豐城西寧七縣陳武帝永定二年復割吉州之新淦隸焉自吳太平二年丁丑宜黃建縣至陳隋文帝開宜黃縣志 卷二 沿革

皇九年平陳罷臨川郡爲州時摠管楊武通奉使安撫卽以撫爲名隸洪州摠管府大業初府廢復置豫章郡改臨汝縣曰臨川廢巴山郡以所領新建西寧巴山縣地置崇仁縣屬撫州省宜黃安浦入崇仁煬帝大業三年復改撫州爲臨川郡自隋開皇九年己酉宜黃縣廢至唐武德四年辛巳凡三十三年大業十二年鄆陽人林士宏據洪州臨川豪傑殺隋守令以附唐高祖武德五年討平林士宏復改臨川郡爲撫州析南城置永城東興析崇仁置宜黃是時撫州領臨川南城邵武宜黃崇仁永城東興將樂八縣七年省東興永城

將樂以邵武隸建州八年省宜黃建縣三年是後撫州所領惟臨川南城崇仁後復析南城置南豐凡四縣太宗貞觀元年分天下爲十道撫州隸江南道元宗開元二十一年分江南道爲東西隸江南西道天寶元年復爲臨川郡肅宗乾元元年復爲撫州僖宗乾符四年丁酉王仙芝遣李彥璋掠撫州不能守鍾傳入據之詔卽拜刺史中和二年壬寅從高駢請以鍾傳爲江西觀察使傳去撫州南城人危全諷復據之梁開平三年己巳全諷攻洪州爲楊隆演將周本所敗地入吳凡全諷據撫州二十八年龍德元年宜黃縣志 卷二 沿革

楊溥陞撫州爲昭武軍節度唐明宗天成二年楊溥稱帝按楊行密封吳王在唐昭宗天復二年行密卒于淮嗣程秋弟隆演嗣隆演卒弟溥嗣隆演始建國改元溥始稱帝舊志云唐刺史晉天福二年南唐李昇受吳楊行密據淮南稱帝諡禪宋太祖乾德五年李煜割崇仁之崇賢仙桂待賢三鄉置宜黃場開寶元年陞爲縣卽乾德六年十一月改元○自武德八年乙酉縣廢至宋乾德四年丙寅四年降昭武節度爲撫州軍州事隸江南西道按劉文成天文分野書云梁龍德元年李煜降之也他志或云開寶八年改撫州爲軍州是宋改之也按宋史開寶八年江南平得州八年平江南所

據州十九昇宜歙池洪潤常鄂筠饒信虔吉袁撫江江
 庭劍軍三江陰雄遠建武始入于宋太宗至道三年分
 天下爲十五路仁宗天聖中析爲十八神宗元豐中析
 爲二十三撫州隸江南西路高宗建炎四年改隸東路
 紹興四年復隸西路他志或云太平興國元年分江南
 爲東西路尋併一不知何據攷建
 武軍改名建昌在太平興國四年寰宇記已載入可知
 樂公成書尙在四年以後而猶云某道某道則是時尙
 不名爲路也今悉依宋史爲正○他志又云紹興元
 年改隸東路四年復隸西路蓋宋史路與州異文元
 世祖至元十四年陞爲撫州路隸江西行中書省明爲
 撫州府隸江西布政司自朱開寶歷元明宜黃並屬撫
 州

宜黃縣志 卷二 沿革 四

國朝因之

附考

周世宗顯德五年李璟盡獻江北地去帝號稱國主

奉正朔

周顯德五年李璟以臨川上莫鎮立金谿場割近鎮

一鄉及安仁之白馬鄉隸焉置鑑以烹銀鑛唐嘗爲

銀監是時基址猶存宋太宗淳化五年陞爲縣

宋太祖開寶二年李煜以南城縣置建武軍撫州領

臨川崇仁宜黃南豐四縣及金谿場

太宗太平興國四年改建武軍爲建昌軍

淳化二年以南豐縣隸建昌軍


高宗紹興十九年割崇仁、水當作永豐四鄉置樂安縣

按今樂安雲蓋一鄉舊永豐地

明武宗正德七年分臨川金谿安仁進賢地置東鄉

縣

宜黃縣志 卷二 沿革 五



宜黃縣志卷三

形勢志

管子論形勢觸類旁通以盡其變非堪輿家言也後世作地理志仿禹貢職方遺意分疆畫域條理井然能令未至者如遊其地形勢之說莫詳於俯察矣僻遠小邑無襟喉機軸之控制然山重水複綿亘百數十里其間勝蹟名區亦有他邑所不逮者城池山川水利關津諸志各詳載原委茲先撮其大要以著於篇而登高望遠凡佳景之可供吟眺者亦彙紀於後

宜黃縣志

卷三

形勢

縣城縱長橫狹延袤谿谷間惟北水門至小東門坦行數百步城內西南高塹東北寬平閭巷周通衡宇稠密縣署建於東北界學宮考棚並倚北山仙人石器械山桃洞嶽嶺或橫列如屏風或分敷如花萼屈蟠拱衛烟雲相連而鳳凰山聳峙坎維書院在焉尤為秀絕其外則卓望開夫曙景獅石挽夫逝波縣脈發於西南楊梅北華南華諸山參差巒嶽趨赴城圍黃水自南而東至百花塔下宜水合之繞大東門外湍流清駛無狂風駭浪之虞曹水自西來繞大小北門與宜黃水合流永濟

通濟顧民貫虹黃陂湖裏豐樂七橋環雉堞下往來絡繹觀佳氣之鬱蔥洵一邑之統會也

崇賢鄉在城南山高地廣幾得一縣之半出大南門過馬停橋即一都二都白茶鹿塘杏坊諸村為大而石砬尤稱勝境三都稍折而西黃山九曲滴翠穿珠自四都至七都漸趨東南店前合陂諸村為大自八都至十二都又折而西北黃陂塘墟諸村為大十三都毗連三都限以長虹橋一水而荷溪為大村十四十五兩都接壤崇仁而霍源羅山為大村十六都更轉東南內連七都

宜黃縣志

卷三

形勢

外界南豐廣昌寧都故新豐市有汛兵而瀟坊版坪爐下為大村十七都之筮竹下畝十八都之侯坊十九都之黃柏嶺皆在正南寧都界故二十都東陂設止馬司巡檢又有汛兵黃水發源黃土嶺匯眾流而直下二十一二兩都西南與樂安崇仁交界礫下黃竹皆大村仙桂鄉在城東一都二都獨在城西界連崇仁舊傳建城處為二都地曹水環曹山而下官倉前有汛兵而余源源口梅源皆大村也三都沿黃水東岸氣象明麗四都在南五都在北六都八都九都十都在正東交南城

界十一都十二都十三都在東南交南豐界七都居其中
中硤石據於上游棠陰爲大市鎮街衢通達商賈輻湊
故東陂止馬司巡檢移駐於此他如四都之陳源崖嶺
五都之陽坊大河六都之君山南源八都之渣浦鹿源
橫岡九都十都之固源楓林麻坑漳水所從出自十一
都以上神岡爲大村軍峯高插天表宜水出焉亦東南
一壯觀也

待賢鄉在城北爲入郡之路宜黃漳曹諸水合流城曲
經獅石而下清波演迤隨山屈折或激而灘或匯而淵
宜黃縣志 卷三 形勢 三

春水盛時舟行一日可百里始於二都之水北陳坊至
東西涇早禾舖卽四都而長橋遠岸豁若天開潭坊其
最著者然後過三都之陶陂八都之梅坊迄九都之會
坊入臨川界其一都則在西北界崇仁以龍井爲大村
五都六都在東北界臨川官坪三陂諸村爲大芙蓉山
在焉七都之梨溪皆孕秀之區也

宜川十景
鳳岡聳漢山在邑北跨城內
外舊名鷄籠山
獅石迴瀾狀如白澤高可百仞躡蹠下流
宜黃曹三水經此折而東北

卓嶺朝曦峙邑之水東上有仙壇
斧泉夜月宋鄒一翁遇仙處石上有玉斧泉三字相傳爲呂道人手書也
梅峰積雪山距邑三里爲縣治發脈之所
桃洞舒霞鄒一翁故居

二水環城黃水自南來遶東門而下曹水自西遶北合於黃水環抱縣城舊志指宜黃二水而不及曹水誤

百花湧塔水東舊名百花洲明邑令洪應科建塔於此
捲雪樵歌舊有亭在曹水之涯識云水遠捲雪亭宜黃狀元生
貫虹漁唱橋在大東門外

宜黃縣志 卷三 形勢 四
石碧十二景
象王峰 獅子峰
羅漢峰 貴人峰
趙州橋卽舉竟橋 揖雲橋
石鐘山 石鼓山
磨盤石 滴油巖
潺湲亭 太極巖

鹿岡八景
香林月池 洋湖霽照

西華春烟

巴潭秋水

蛟峰丹井

龍洞白雲

東莊花塢

峽嶺泉聲

碧雲山十二景

老人峰

棋枰山

獅豸峰

鼻恒辣山

桃花峪

望春均

山濤關

洒益泉

鐵崖

天然橋

宜黃縣志

卷三

形勢

三昧泉

羅漢栢

中田八景

鷹嘴朝曦

蓮塘夜月

馬嶂雲屏

赤岡霞彩

南華筆聳

西陵梧蔭

龍溪井冽

臨江松翠

荷溪八景

荷溪澄練

松嶂浮嵐

瀾迴萬岫

秀聚七星

絕壁蹲羊

芳洲宿鷺

朝天鶴馭

平野鶯鳴

曹山十景

獅象關

七星石

羅漢峰

雨花巖

鉢孟山

問津亭

迴龍洞

將軍墓

祖師塔

卓錫泉

小源八景

宜黃縣志

卷三

形勢

靈應朝暉

女王夜月

樓嶺雲梯

慈雲梵刹

石溪縈流

松峰積翠

泰源彩虹

琴山獅石

滁陽八景

書閣晴雲

畫橋夕照

螺浮滁嶺

鱗躍南溪

獅池浴月

羊角摩天

秋山晚牧

古寺晨鐘

docsriver 文川网
入驻商家 古籍书城

在文川网搜索古籍书城 获取更多电子书

君山八景

翠巖山房

橫溪古柏

天馬雲飛

田心春曙

楊林映月

魁山薦秀

誥軸展坪

文筆下研

棠陰八景

卓嶺朝烟

楓林夜月

螺阜春雲

桃屏霽雪

渣浦漁燈

東園牧笛

宜黃縣志

卷三

形勢

七

觀埠彩虹

澗溪飛瀑

硤溪八景

金盤沬露

硤嶺飛泉

烏石騰雲

牛岡竹月

梅峰聳秀

瑞井拖藍

橋口漁歌

村頭牧唱

神岡八景

軍山旭日

雷嶺晴雲

三疊奇峰

九迴宜水

文印春瀾

御屏霽雪

石獅湧浪

天馬騰空

潭溪八景

羅蓋山

青蓮石

天馬山

鰲魚山

笏岫

筆峰

塔岡

石鼓

宦羅峰八景

犀石迴瀾

龍岡疊嶂

宜黃縣志

卷三

形勢

八

竹圃清風

石潭皓月

漁磯曬網

農畝分秧

林外飛帆

松間聽雨

宜黃縣志卷四

城池志 疆域邑里附

修城濬池取諸固也觀左氏傳所引營蒯蕞之喻可恃陋無備歟然孟子言得道者多助太史公言城郭不集溝池不掘而國晏然則衛民以城池待下策耳中材之流積道未優又無智畧以應倉卒則莫如守法其毋蹈莒渠邱之故轍也至於百數十里之內疆界分而統馭壹固當詳辨焉

攷祥符圖經城周迴二里一百步宋時故有城也城爲

宜黃縣志

卷四 城池

五門尤志謂有土城不知何據撫州邑里志云舊未有城止微爲五門無城何以立門寧宗嘉

定十七年甲申縣令程友俊新之而易其名上東曰崇

桂東曰朝京西曰致爽南曰迎薰北曰攀龍理宗紹定

三年庚寅燬於寇自是訖元末無城矣

明洪武初知縣許大明創南北二門成化二十二年丁

未通判姚琛署縣事環治建舖舍樓門數十處正德間

嘗有盜斬關盜庫八年癸酉知縣冉盈復建東北二石

門門各有樓嘉靖元年至十三年知縣鮑鳳黃漳相繼

修之四十年辛酉閩粵之寇秋冬凡五六至時譚襄敏

公丁父艱在籍新任巡撫胡松擊退賊問計善後明年

壬戌蔡記以爲隆慶丁卯誤也檄知縣楊淮築城長一千三百丈有

奇廣一丈二尺高倍之女墻二千七百襄敏公名之東

曰通津南曰陟華西曰固始北曰附鳳東有小東門南

有小南門南北又各有水門可通人行北水門水流出

城南水門則城外水流入城內由小南門出費僅二萬

金工未一載成襄敏公有記

崇禎五年壬申夏劇賊自虔吉來攻城三晝夜據高俯

瞰城幾陷賊退巡撫解學龍巡閱僉議西北隅濼石

宜黃縣志

卷四 城池

諸山高峻宜繞城內因具疏改築北關增建小北門自

院司以下捐貲勸助者民張世齊張汝華等一宗五十

餘家助參百兩鳳石下張興旺等助貳百兩并查無礙

堪動銀兩給預備倉存穀二千石以濟工費三千八百

九十餘金由鳳凰山抵仙人石約三百餘丈始於崇禎

六年癸酉六月六日至九年丙子夏四月竣工知府蔡

邦俊有新城記

國朝仍舊制

縣在府西南一百一十里廣一百二十三里有奇東西